



Broj predmeta: 13-002104/23
Broj akta: 01.1-1528ZN-0023/23
Datum, 17. 11. 2023.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 17/23) i čl. 70 stav (4) Zakona o javnim nabavkama („Službeni glasnik BiH broj: 39/14 i 59/22), a u skladu s članom 69. stav (2) tačke a) i d) Zakona o javnim nabavkama («Službeni glasnik BiH», broj: 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.01.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda broj: 13-002104/23 od 16.11.2023. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak stambenog zbrinjavanja Roma u Brčko distriktu BiH – sanacija 4 kuće korisnika odabranih 2017.godine, koji je pokrenut od strane Odjeljenja za raseljena lica, izbjeglice i stambena pitanja Vlade Brčko distrikta BiH, a na osnovu Odluke o pokretanju postupka javne nabavke broj: 13-002104/23 od 25.08.2023. godine, Obavještenja o nabavci na portalu javnih nabavki broj: 1157-1-3-327-3-561/23 od 01.09.2023. godine, specifikacije robe u vezi sa Tenderskom dokumentacijom broj: 13-002104/23, iz razloga što nije dostavljena nijedna prihvatljiva ponuda, što prema čl. 69. stav (2) tačka (d) Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je u svom Zapisniku o pregledu i ocjeni ponuda od 26.09.2023.godine dala preporuku da se ugovor dodijeli ponuđaču „ASTRA PLAN“ d.o.o. Brčko. Na osnovu navedene preporuke ugovorni organ je donio Odluku o izboru najpovoljnijeg ponuđača br. 13-002104/23 od 11.10.2023.godine. O donošenju odluke o izboru najpovoljnijeg ponuđača ponuđač je obaviješten dana 18.10.2023.godine. u skladu sa odredbama tenderske dokumentacije, te obavještenja koje je dostavljeno ponuđaču uz odluku o izboru, izabrani ponuđač je bio dužan u roku od 7 dana dostaviti potrebnu kvalifikacionu dokumentaciju. Ponuđač „ASTRA PLAN“ d.o.o. Brčko je istu dostavio u zadanom roku. Komisija je pregledom i analizom dostavljene dokumentacije zaključila da iz uvjerenja nadležne institucije (Direkcije za finansije), kojim se dokazuje da li je ponuđač izmirio dospjele obaveze u vezi sa plaćanjem direktnih poreza, nije najjasnije da li ponuđač uredno izmiruje predmetne obaveze, pa je od Direkcije za finansije traženo pojašnjenje izdatog uvjerenja. Nakon dostavljenog pojašnjenja, komisija je konstatovala da ponuđač „ASTRA PLAN“ d.o.o. Brčko nije izmirio dospjele obaveze u vezi sa plaćanjem direktnih poreza, odnosno, nije dostavio traženi dokaz o kvalifikovanosti u skladu sa članom 45 stav (1) tačka d) Zakona o javnim nabavkama. Shodno svemu navedome, bilo je potrebno donijeti Odluku o poništenju postupka javne nabavke, u skladu sa čl. 69. stav (2) tačka (d) Zakona o javnim nabavkama.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 5 dana od dana prijema odluke.

GRADONAČELNIK

prim.dr.Zijad Nišić



DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Odjeljenju za raseljena lica, izbjeglice i stambena pitanja,
5. Arhivi.